



**De Ivre Sistendi, Et Manvvm Iniectione, Qvam Vvlgo
Arrestationem Vocant, Svccincta Explicatio**

Peck, Pierre

Antverpiæ, 1589

Quæ sit vis, & quis effectus arresti. Caput 35.

[urn:nbn:de:hbz:466:1-63495](https://nbn-resolving.de/urn:nbn:de:hbz:466:1-63495)

De Iure Sistendi.

ram Iudice arrestante primò instituitur.

Quæ sit vis & quis effectus arresti.

Caput 35.

ARGUMENTA.

Arrestatio an & quando inducat litis pendentiam.

nusmero 1.

¶ 4.

Indicium coram uno Judice ex necessitate intenta-

tum, an ad alium Iudicē transferri postea queat.

numero 2.

Conditio ex L. Diffamari. C. de ingen. manumis. in-

tentata, an inducat lisis pendentia exceptione. 3.

Arrestatio an producat pignus prætorium. nu. 5.

Arrestatam rem detinens, eam præscribere non po-

test. nu. 6.

Arresto durante an res arrestata alienari possit. n. 7.

CVM de vi & effectu arrestationis queri-
tur, prætereos qui ex superioribus ca-
pitib. apparere possunt vñus effectus esse vi-
detur, qui inducit litispendentiam. Nam
in simili decidit Nicolaus Anthonius in addi-
tion. ad Octauianum Vestrium lib. 4. cap. j.
nu. 9. per petitionem, vt quis carceribus mā-
cipetur, ac per ipsam capturam sequentem li-
tis pendentia inducitur: & ratio esse videtur,
quod sicut per citationem verbalem dicitur
iudicium esse ceptum. §. si. Instit. de pœn. rep.
litig. & res desinit esse integra. 1. si quis postea.
ff. de iudic. cap. relatum. de offic. deleg. Iaffred.
decis. 60. etiam si litis contestatio nondum in-
teruenit, D. Anthon. in capit. aduersario. in 3.
notab. de except. Ita longè fortius per citatio-

num

nem realem, id est per capturā seu arrestatio-
nem, quæ præualet; ut notant Docto. ad l. vlt.
ff. de leg. j. In contrarium tamen allegari pos-
set, quod quādo coram vno Iudice iudicium 2
est incepsum ex necessitate, ut quia metuitur
fuga Rei, aut actio tempore peritura est, aut quæ
alia similis necessitas vrget, potest etiam cora
alio Iudice hoc iudicium agitari. Bald. & An-
gel. ad d.l. ceptam. arg. l. sed etsi restituitur. §.
ediu. versicu. fed & si dies. eod. titu. de iudic.
Qua ratione plerique neoterici respondēt ad
l. quamuis. ff. de damno infect. Quod si pote-
ram te cōuenire Perusij & Assisij, & incepi te
conuenire coram Iudice Assisij ex necessita-
te, quia timebatur de fugatua, potero te po-
stea conuenire, coram Iudice Perusino. Sed hæ
posteriores rationes non placent Ioanni Ba-
ptistæ Caccialupi in tract. de debitor. suspect.
quæst. 15. vbi dicit, quod licet in d.l. sed etsi re-
stituatur, permittatur quod iudicium alibi fi-
niatur, non tamen ibi expressè dicitur, quod
non sit inducta litis pendentia. Addo quod 3
Felinus ad cap. cum sit generale coll. 4. de fo-
ro compet. in simili respondet, quod si diffa-
matus ab aliquo, plures iudices habeat, & cō-
ditionem competentem ex l. diffamari. C. de
inge. ma. cora vno Iudice intentauerit, veluti
petendo perpetuum silētium imponi illi qui
se illius creditorem esse iactitabat, is autē cre-
ditor coram alio Iudice eum in ius trahat, &
coram illo prætensum suum creditum petat,
obstat ei litis pendentia exceptio, & coram eo

S ij

Iudice



De Iure Sistendi.

Iudice, coram quo remediū d.l. diffamari, intentatum est, causa peragi debet, licet contrarium consuluerit Socynus consi. 94.lib.3. Cu-
ius opinio ex eo satis conuellitur, quod ex ea sequeretur, quod quoties diffamatus plures haberet Iudices, cōdictionem ex d.l. diffama-
ri, à lege cōcessam, aduersarius facile eluderet,
& ad aliud tribunal causam traheret, Iudicis
que auctoritatem cōtemneret, contral. si priz-
tor. ff. de iudi. Qua de re tamen magna distin-
ctione usus est Blarerius ad d.l. diffamari. cap.
4. circa finē, quem vide. Et hæc sententia con-
firmatur satis in d.l. ybi ceptum. & exemplum
huius potest ponи in eo, qui curauit aliquem
hic arrestari, & arrestatus posita cautio rela-
xatus ab arresto vel per procuratores suos dū
manet in arresto, vocat eum in ius coram alio
Iudice ex d.l. diffamari. & arrestans excipit, q
eum hic præuenit, per capturā vel arrestatio-
nem, & quod, cum per hoc sit hic inductali-
tis pendentia, debet hic finiri; Aliud esset si
arrestatio non esset facta ad finem consequé-
di debitum, sed ad finem declarationis iuris
sui, aut liberationis; vt ecce scholaris huius V-
niuersitatis Louaniensis intellectus, quandam
ciuem Mechlinensem hominem laicum ia-
ctitare qđ ipse scholaris est ei in magna sum-
ma obligatus. Et quia per hanc iactitationem
bonum nomen ipsius denigratur, repertum
hic Louanij, auctoritate Domini Cōseruato-
ris priuilegiorum eiusdem vniuersitatis facit
arrestari ad finem, vt si quam arrestatus actio-
nem

nem aduersus eum habeat, illam coram magnifico Domino Rectore Vniuersitatis, suo si quidé Iudice, intra certos dies, sub pœna perpetui silentij proponat, iuxta dispositionem d.l. diffamari. Sanè hoc casu arrestum non inducit litis pendentiam respectu materiæ principalis coram D. Conseruatore. Quinimò arrestatus proponens suam actionem corâ eodem magnifico Domino Rectore, facit quod arrestari curans, petit: sed solum inducitur litis pendentia, respectu materiæ d.l. diffamari.

Secundus effectus est, quod ex arresto vide-
tur induci, pignus prætorium. Quia pignus
prætorium nihil aliud est quam pignus quod
a Prætore siue à Iudice datur, quodque Prætor
aut Iudex nulla præcedente sententia ex iusta
causa capi iubet, l. 2. C. de prætor. pign. l. non
est mirum. ff. de pign. actio. & apprehensione
rei requirit. l. 3. §. j. ff. de reb. eor. Quę omnia e-
tiam in arresto, vel re arrestata cōcurrunt. Ex
quo sequitur primò, quod si aliquo casu res ar-
restata furto esset amissa, vel aliquo alio mo-
do ablata, daretur actio & persecutio quasi hy-
pothecaria aduersus possessore illius, l. vlti. C.
de prætor. pignor. Secundò quod sicut debi-
tor reficiendo expensas, & cauēdo de iudicio
fisti, recuperat missione in possessionem, au-
thent. ei qui. C. de bon. auctorit. iudic. poss. c. j.
de dolo & contum. lib. 6. Ita quoq; & is cuius
res arrestata fuit, recuperat rem arrestatam, si-
cuti inferius dicetur. Estenim arrestatio tem-

S iii porale

De Jure Sistendi.

porale, & prouisionale tantū impedimentū; non quidē propter se, sed propter aliud inuenitum, videlicet, ut is cuius res arrestata est cogatur illic ad soluendum, non ut de illius reidominio aut proprietate disputetur, Id quod etiam est in predicta missione in possessione. l. is cui ff. vt in possess. leg. Vnde Carolus Molinæus ad secundam partem consuetudinū Parisiensium. titul. 2. glo. j. ad verbum, arrestou brandon. multa receperat in quibus arrestum & missio in possessionem conueniūt, & in quibus differūt, quem vide; & inter cætera notat, quod neque missus in possessionem, neq; detinens arrestum, præscribere potest, cū & scientia rei alienæ & titulus & animus possidendi deficiat. Cyn. ad l. j. C. vbi in rem actio, Panor. num. 44. & alij ad c. quoniam frequenter. §. si extra, vt lite non contest.

Tertius effectus est, quod res ista arrestata durante arresto, in præiudicium arresti, obligari, vendi aut alienari non potest, non magis quam si pignus primò obligatum vni, postea alteri obligetur. cap. qui prior. de reg. iur. in 6. l. qui prior. ff. qui pot. in pign. aut si res alteri obligata in causam iudicati, vel pignus iudiciale acceptum sit. l. à diuo Pio. §. si super rebus. ff. de re iudic. Sed quo minus sine præiudicio illius qui illam curauit arrestari, obligari, vel alienari possit, nihil verat, cum etiam res sequestrata possit obligari & alienari, quia obligatio & alienatio, respiciunt dominium rei, cui sequestrum non præiudicat. l. licet. §. i. ff. de

ff. de pos. l. interesse. ff. de acqui. posses. & que-
stio possessionis ad quam magis pertinet non
facit rem litigiosam. glo. in cap. fin. 11. quæs.
j. latè Marcus Anthonius Natta consil. 2. libr.
1. cessatq; hic ratio ob quā res in iudiciū dedu-
cta alienari non pōt, videlicet, ne aduersarius
fatigetur diuersis iudiciis. l. nulli. C. de iudic.

In causa arresti quis sit actor, aut reus.

Caput 36.

ARGUMENTA.

Causa rei fauorabilior multò est quam actoris. nu. 1.

Actor quis esse dicatur. nu. 2. & 3.

Agens stimulatus & per alium prouocatus dicitur
sustinere partes Rei. nu. 4.

CVM de forma & modo procedendi in
materia ista arresti agimus, illud in pri-
mis videndum est, quis hic actoris, aut rei per-
sonam sustinet, quod alicuius momenti est,
multa enim reo permittuntur, quæ actoribus
non licet, multoque fauorabilior est causa rei,
quam agentis. l. fauorabiliores. ff. de reg. iur. c.
cum iura. eod. tit. lib. 6. & fauorabiliores sunt
leges ad absoluendum quam ad condemnā-
dum. l. Arrianus. ff. de act. & oblig. Et quidem
prima facie is qui arrestatur aut detinetur, aut
cuius bona arrestantur aut detinentur, vide-
tur esse actor: quia actor esse dicitur qui alium 2
ad iudicium prouocat. l. in tribus. ff. de iudic.
l. libertus à patrono. ff. de in ius voc. sicut facit
is qui arrestatur; prouocat enim arrestantem
prior ad iudicium, petēs ab eo proponi causas

S iiiij arresti